

無上祕要卷之九十六

孔五

無上秘要卷之九十六

孔五

玉清品上

玉清高桃厲冲龍羅天觀靈無晨隱書金玄  
內文九老仙都所佩行神仙之道當以赤書  
白版上置西方以滅西方白帝大魔王官屬  
招致西方仙官行之十二年則白景素靈七  
聖金靈君降形兆身役使仙官取自然靈藥  
又以朱書白繒佩身行來西方福堂淵盛行  
之世界大魔王束帶稽首禮迎仙官侍衛入  
西嶽則致素雲羽蓋十二年飛行玉清宮

玉清碧落空歌餘黎天總晨九極隱書金玄  
內文玉清高元君所佩行神仙之道當以墨  
書丹版上置南方以滅南方赤帝大魔王官  
屬招致南方仙官行之一十八年則洞陽丹  
靈真景君降形於兆身役使仙官取自然靈

孔五

藥又以墨書絳文佩身行之南方宛利城境  
棄賢之世界則大魔王束帶稽首禮迎仙官  
侍衛入南嶽則得南極寶書致丹雲羽蓋一  
十八年飛行玉清宮

玉清邠摩坦婁于翳天昏曜旋根隱書金玄

內文九天真王所受行神仙之道當以黃書  
墨版上置北方以滅北方大魔王官屬招致  
北方仙官十五年則致北極玄上玉真君授  
兆高上寶書役使仙官五十人又以黃書皂  
文佩身行之北方鬱鬱亶野清靜之世界則萬  
靈束帶魔王稽首禮迎仙官侍衛入北嶽則  
致玄雲羽蓋飛行玉清宮

玉清扶刀蓋華浮羅天玄景晨平隱書金玄  
內文太素三元君受之於元始天王行神仙  
之道當以紫筆書黃版上置西北方以滅皓

帝大魔王官屬招致西方福德之野延賢世  
界仙官十二年則致上宮玉女降兆寢房授  
兆神真之道又紫筆書黃文上佩身行之西  
北延賢世界則萬靈束帶魔王稽首禮迎得  
乘飛雲羽蓋遊行玉清宮

孔五

玉清具渭耶渠初默天合暉晨命隱書金玄  
內文扶桑太帝受之於太霄真王行神仙之  
道當以黃筆書蒼版上置東南方以滅旻帝  
大魔王官屬招致東南元福田用賢世界旻  
帝仙官十五年則致玉女二十人給兆驅使

取自然靈藥又以黃書綠文上佩身行之用  
賢世界則萬靈東帶魔王稽首禮迎得乘綠  
雲羽蓋飛行玉清宮

玉清冲容育鬱敵沙天齊暉晨玄隱書金玄  
內文西王母受之於北極皇上先生行神仙

之道當以青書紫版上置東北以滅蒼帝大  
魔王官屬招致東北方福集都長安世界蒼  
帝仙官十年則致仙童十八人給兆驅使取  
自然靈藥高上飛玄羽章又以青書紫紫紋  
上佩身行之東北長安世界則萬靈東帶魔

王稽首禮迎得乘紫雲羽蓋飛行玉清宮

右出洞真高上金玄羽章隱書

陽臺靈生玉符

諸行道求仙思神念真謝罪解過上希陽臺  
真人仙官玉女原赦之恩當以立冬之日墨

孔五

三

筆書文北向服之七枚則仙官玉女書名仙  
簿列字金簡修行八年勿失一節真人給玉  
童八人思真感會真人降形致七景之輿飛  
行玉清

洞真九赤斑符

東嶽太山君常以春分之日列奏真仙已得  
道及始學之人名錄上言高上帝君錄校玄  
名修飛仙之道當以其日日出之時沐浴齋  
戒燒香入室東向思東嶽太山君姓玄丘諱  
目陸頭達三寶九光夜冠衣青羽章裙披衣  
九色斑表帶上皇命神之符乘青雲飛輿九  
色蒼龍從十二仙官手把五芝東北而迴上  
登無崖之上玉清之天徘徊玄虛之內青雲  
之中當叩齒九通心言今日上節八願開新  
願迴神曲蓋來降我間納我所求奏我所陳

得上玉札位係紫篇道君迴映我獲上仙畢  
思太山君乘雲輿下降青氣鬱鬱覆滿一室  
君處青氣之中手執青簡注上我名於青簡  
之篇微呪曰

玉真徘徊煥明東方乘龍駕輿飛行太空迴  
靈曲映下降我房青陽告始上願開通納我  
所陳削過記功刻名青簡列表高皇西龜結  
錄東華勒方五靈輔翼八帝齊光驅甲御乙  
出木入商六丁侍衛玉女扶將攝山召海命  
制蛟龍嘯風興雨靡不立躬天魔伏試萬靈

敬從變景化形上昇玉宮年享太山永保無窮畢仰嚙九氣止修之九年則太山君見形於兆前降於青氣之雲給神童九人致自然神芝能知東方萬里之事一十八年則致龍興乘空飛行上昇玉清

九五

四

南嶽衡山君常以夏至之日列奏真仙已得道及始學之人名錄上言高上帝君錄校玄名區別功過修飛仙之道當以其日中之時沐浴齋淨入室燒香南向思南嶽衡山君姓爛諱洋光頭建八朗寶光玉冠衣赤錦飛裙

披神光緋文之裘帶封靈制魔之章乘赤霞  
飛輪從南嶽仙官十二人悉乘飛鳳手把神  
芝東南而迴上登無崖之上玉清之天徘徊  
空虛之內赤雲之中當叩齒三通心言今日  
上音之日良晨應真玄願普降玄天納新願  
乞道君值迴上仙飛輪羽蓋下降我身名言  
上清東華結篇畢思衡山君乘赤霞飛輪下  
降兆房赤氣鬱鬱覆滿一室君在赤氣之中  
手執赤簡注上我名於赤簡之篇微呪曰  
朱陽乘晨徘徊九霄丹輿飛蓋洞煥霞窳曲

迴下映監我心翹上願所陳莫不感幽仰披  
靈衡形與神交書名丹臺結字南瑤六丙翼  
真乘丁入颺攝山封海命制萬妖千精伏竄  
群魔皆消南嶽既掌三元來招降致朱輶昇  
入皇朝二景齊靈後天而彫畢仰嚙三氣止

孔五

修之九年則衡山君授兆寶書給仙官八人  
降致神芝竒異之物能知南方萬里之事行  
之十八年則致赤雲之輪飛行太空上昇玉  
清

西嶽華山君常以秋分之日列奏真仙已得

道及始學之人名錄上言高上帝君錄校玄  
名區別功過修飛仙之道當以其日晡時沐  
浴齋戒入室燒香西向思華山君姓浩丘諱  
元倉頭建六元通神飛冠衣白錦飛裙披素  
錦之裘帶交靈素綬乘素霞飛輪從西嶽仙  
官十二人悉乘十二白虎手把七色華幡西  
南而迴上登無崖上清之天徘徊空虛之內  
白雲之中當叩齒七通心言我願飛仙上昇  
上清飛入華嶽與帝同靈乞丐道君降我真  
形為我致仙書我玄名畢思華山君乘白霞

飛輪下降北房白氣弈弈覆滿一室君在白  
氣之中手執白簡注上我名於白簡之篇微  
呪曰

金門煥明白雲我我四會交真八氣結羅上  
告玉晨帝靈昇霞迴神下降曲眄我家記我

白簡書名西華七真部仙制御群魔上承皇  
威攝山命河興雲降雨龍輪立過運我飛虛  
上造靈阿所願立至所剪立摧千變萬化洞  
明玄霞畢仰嚙七氣止修之九年則華下山君  
為兆致神仙之藥給仙童七人九年能知西

方萬里之事吉凶之兆行之十八年致白雲  
之輪飛行太空上昇玉清之宮

中嶽嵩高山君常以三月六月九月十二月  
戊辰戊戌己未己丑之日列奏真仙已得道  
及始學之人名錄上言高上帝君錄校玄名

孔五

六

區別功過修飛仙之道當以其日日中後沐  
浴齋戒入室燒香向四季思中嶽君姓角諱  
普生頭建中元黃晨玉冠衣黃錦飛裙披玄  
黃文表帶黃神中皇之章乘黃霞飛輪從中  
嶽仙官十二人悉乘飛麟手把玄黃十二節

麾西南而迴上登無崖之上玉清之宮徘徊  
空虛之中黃雲之內叩齒十二通當心言天  
垂上願我享其思念虛降靈思微致仙中嶽  
之君結我同軒使我飛行昇到金門畢思嵩  
高山君乘黃霞飛輪下降北房黃氣之中勃  
勃覆滿一室君在黃氣之中手執黃簡注上  
我名於黃簡之篇微祝曰

皇靈中玄道翳紫天三合成一結虛而仙學  
錄保篇固命度年尅名東華記仙中秦五靈  
監映使我道鮮出虛入微洞徹九玄身生水

火變景億千乘空步虛飛行無間畢仰嚙十  
二氣修之九年則與中嶽君對面共言為兆  
降致黃龍飛輿給以仙官取自然之物以與  
兆身行之十八年道成飛仙上昇玉清

右出洞真八道玉景隱經

孔五

七

金書秘字三元九真陽符

上監天魂精秘音內諱玉佩始陽之符則上  
監天始陽之氣主上丹田下真內神青書白  
素佩身又書白紙本命八節日服之內思丹  
田中真三年則覩真形九天丞相書名九天

之錄得見九天父母帝君降形八景同飛上  
昇玉清

兜術以天魂精秘音內諱玉佩太陽之符則兜  
術天太陽之氣主洞陽宮上真內神朱書白  
素佩身又書白紙本命八節日服之內思洞

陽上真三年不闕則覩五頭一身真形內神  
九天書名南臺帝君下降寢房鍊魂制魄變  
景八神一十八年飛形九霄上昇玉清

右出洞真太極金書上經

無上秘要卷之九十六



